

自出現身便令彼鬼看三世之事一一具說
向人其病速瘥若有人患時氣病者呪師見
之即瘥若欲令行病鬼王不入界者於十齋
日誦我此呪一千八遍能除萬里衰患

第一

五

穢跡金剛說神通大滿陀羅尼法術靈要門
經

穢跡金剛法禁百變法門經

三藏沙門阿質達叢譯


爾時金剛復白佛言世尊若有善男子善女
人持我此呪無効驗者無有是處欲令山摧
者取白芥子三升上好安息香於山中疑有
寶處取寶鐵刀一枚畫四方爲界取淨巾一
枚香爐一枚燒安息香先呪一千八遍取白
芥子四散乃至七遍作是法其山自摧若有
寶之處其藏神捨寶而出任意用之若欲令
海竭者先呪一千八遍以金銅作一龍形擲

於海中即時海竭若欲令江河逆流者取安息香作一象形無問大小擲水中呪一百八遍登時逆流令依舊者呪一淨石擲之水中其水如故若有雷電霹靂毒龍卒風惡雨者即作止雷電印以左手中指無名指小指並屈掌中頭指以大拇指捻頭指中節上誦呪呪之以印遙指雷電之處自止若欲令一切鬼神自來歸伏爲給使者取水三升盛銅器中以淨灰圍之即作都攝錄印以二無名指並屈掌中令背相倚二中指頭相捻二頭指

及小指各如開華以大拇指捻頭指中節默呪一百八遍其世界內所有諸惡鬼並來雲集自現其身捨毒惡心任行人驅使若禁山者所至之山誦呪百遍大叫三聲即作印以右手無名指屈於掌中直豎中頭大拇指等指並直豎向山印之七遍即却行七步後七即情一山其山中即一切鳥獸並移出山若作此印呪七遍以印向空中印三七度其空中毫塵不遇若欲令人不語者書前人姓名向口中含之其人口不能言吐出即語得若誦一切

諸呪先須作壇若誦我此呪者即勿須作壇
但尅一跋枳金剛檣杵於佛塔中或於靜室
中用香泥塗地隨其大小著種種香華供養
安杵壇中呪一百八遍其杵即自動或變作
種種異物亦勿恠之更誦呪一百八遍其杵
自去地三尺以來或五六七尺乃至一丈以
來持法之人即須歸依懺悔發願我於彼中
即現真身隨行人意所願樂者並皆速得如
意我即與授菩提之記即得身心解脫先須
誦十萬遍滿然後作法若課未充不得効驗


印法第二




此印方一寸八分尅之呪一千遍
用白膠香度之尅印日勿令人見
用印印心得心智自然智宿命智
持印百日即得任種種大法門也



方一寸二分呪六百遍以
安息香度之帶行令一切
人愛樂大自在永離衆苦



方一寸五分尅之呪六百
遍以白膠香度之用印印
脚便得飛騰空所向自在



方一寸八分尅之用
白膠香度之呪七千
遍用印印之可日行
三百萬里無人得見

神變延命法

𠄎

伏連書心
上即瘥大
吉急急如
律令

𠄎

鬼病朱
書吞之

𠄎

金

心為書之立
即除瘥大
利急急如
令先呪七
精鬼病之
人朱書吞
七枚立瘥
神驗大

𠄎

若依法之人取白檀綾二
丈一尺七寸白練裏之置
於地輪世界令人延年得
七十歲若無人送者即安
自宅中庭掘地七尺埋之
亦得又得聰明多智辯才
無礙

𠄎
𠄎
𠄎
𠄎
𠄎
𠄎

此七道亦能
治萬病吞之
亦令人長壽
益智大神驗

𠄎
𠄎

𠄎
𠄎
𠄎
𠄎
𠄎
𠄎

此上七道用朱書紙上吞
之千枚令人延年即得與
天地齊壽不得令人見之

此上七道若有人患一切
病以此符書之皆得除瘴
若人書符吞之者延年益
智大驗効矣

清一

八

此上七道若有人求種種珍
寶者以朱書此符吞之滿七
日即有種種妙寶自然而至
若求他人財物當書彼人姓
名於符下其人立即送物到

此符朱書吞三枚

及可與他人書符
即用諸符無驗

此上三符朱書牀
四脚上常有八大
金剛衛護悉不暫
捨惟須嚴淨勿令
汗染之物入房切
須慎之

有大火災起者
書符擲一枚呪
一百八遍向火
中須更災自滅

此符朱書吞三枚

及可與他人書符
即用諸符無驗

有大水起者
書此符擲於
水中立即斷
流水不溺人
矣

此符朱書吞三枚

及可與他人書符
即用諸符無驗

有大雨者書此
符呪之一百八
遍向雨擲之其
雨立即自定之

此符朱書吞三枚
及可與他人書符
即用諸符無驗

奉聖言禮足而去

穢跡金剛法禁百變法門經

古經本咒四十三字唐太宗朝人多持誦
感驗非一除去十字今就錄出速獲靈應
無過是咒

唵吽吒 唵吽摩訶般囉合很那得 叻汁
吻（醯摩尼）微咭微 摩那棲（庵所）急那烏
深暮 囑吽吽吽（吽）泮泮泮（泮）娑訶

爾時穢跡金剛說此符已大衆同聲讚言善
哉大力士汝能說是大妙之法令諸衆生皆
得解脫爾時金剛項白諸大衆當知我於汝
等此法若流行之處我等大天常當護此行
法之人助令成就是時金剛復作是言若有
衆生行此法者我即往彼現其人清一前所求願
者我亦施與令彼得種種變現種種神通所
作無礙常須念我本師釋迦牟尼佛我即常
隨逐之令一切法皆助成就爾時金剛說此
法已大衆倍加悲喜及諸天龍大鬼神等各

真覺禪師所傳神呪與今經呪同但梵音賒切字語少異

唵佛吒窟聿 摩訶般那很那誦 叻泮叻
尾訖尾 摩那棲 烏澁謨 窟聿吽吽吽
發發發 莎訶

佛說大乘大方廣佛冠經卷上

宋西天三藏朝散大夫武德將軍僧正大師法護等奉 詔譯

如是我聞一時世尊在王舍城鷲峯山中與
大苾芻衆千二百五十人俱皆是阿羅漢諸
漏已盡復有諸大菩薩之衆慈氏菩薩妙吉

祥菩薩而爲上首并餘無數天龍夜叉乾闥
婆及持明仙天女衆等爾時世尊告尊者大
迦葉言迦葉我今爲令諸初發心菩薩成熟
一切善根故有所宣說汝等諦聽極善作意
時大迦葉白佛言善哉世尊受教而聽佛言
迦葉東方去此佛刹過一^十殑伽沙數等世界
有世界名曰定嚴其土有佛號定手最上占
祥如來應供正等正覺今現住彼教化利益
其佛刹中有菩薩摩訶薩名離塵步次補彼
佛當成阿耨多羅三藐三菩提果號常定手